

西江視臬紀事

西江視臬紀事卷三

定遠

文檄

飭禁廢公趨謁

照得本署司欽承

恩命秉臬西江今於十二月十一日蒞官受事業經另  
檄飭知自以才薄智疎

恩深寄重惟有飲冰茹蘖矢慎矢勤所望守丞牧令共  
體此心交相惕勉俾民俗享敉寧之福庶務無稽  
積之虞克濟厥公庶為交益正不必載馳道路俯

仰庭除謂伸屬誼也深恐各郡府廳州縣拘牽習套遠事趨謁不獨曠弛職業抑亦違逾官方殊非本署司所望於賢有司之本意也合行通飭仰府即便轉行各廳州縣均各勤修職業不得遠事奔馳循于謁之虛儀誤地方之公事各期恪守毋等具文

設立籤催通檄

爲特立催提之法以速案件以免差擾事照得清釐庶績首在勤勤克勵以勤則繁可使簡偷安耽逸則簡亦爲繁可見政務之繁簡全繫有司之勤

怠則稽積之習可不亟為振刷耶本署司仰  
皇恩秉司江臬雖蒞任未久而查閱交代冊籍塵牘頗  
多究非疑難之案而歷久任延則各有司之爲勤  
爲怠亦既畧見一班矣抑思一案不結連逮多人  
差役逞需索之奸平民滋守候之累弊豈勝言惟  
是牌催檄飭既已視等具文而差役頻仍又恐不  
無滋擾今本署司酌立籤提之法用示申嚴令先  
通飭仰府即便轉行各屬嗣後承審承查案件如  
四個月限者本署司於兩個月內發票行催票頭  
即印第一催截記又限半月發第二催票頭印第

二催截記如通計三個月不到即發信籤飭提其六個月限者本署司於三個月內發第一催又限半月發第二催再一月不到即發信籤飭提其一年限者于七個月內發第一催八個月發第二催九個月不復即發信籤催提所發信籤內本署司即酌其程途之遠近硃限到日倘能遵限分別詳解到司簽准郵封遞繳如逾限十日仍無詳解即發令籤粘滾飛提令籤一出無論案件已未詳解務責正身經承抱籤依限親賈赴司回銷事雖完結仍必懲治以戒不信如發令籤後該縣府仍有

違逾及庇承不解即差嵩役守提除經承倍處外  
並將徇庇之本官輕則記過重則揭叅本署司寶  
為懲玩飭惰起見言出法隨斷不稍為寬假再此  
錄編列字號存貯內署應銷應發悉係本署司親  
裁並不經由書吏爾各屬亦不必妄思沉擱各期  
凜奉庶幾案無留牘獄無滯囚本署司實有厚望  
焉

通飭慎刑

照得刑以止辟故訓刑者必曰明罰曰飭法曰弼  
教曰祥刑曰好生之德曰哀矜勿喜有惻怛忠厚

之意而無慘虐刻薄之心所謂極其忠而致其愛也我

國家明刑慎罰詔諭所頒凡以昭欽郵之仁而協咸  
中之慶者尤極惓惓至爲詳盡州縣父母斯民宜  
無不祗承恐墜矣然刻覈者務於深文優柔者流  
為姑息材質所偏寬嚴胥失猶所時有細核其由  
大抵其蔽有四一則偏見之害也聰明自恃才露  
氣浮矜其摘發之能而揣摹臆斷三木妄施挾以  
不得不承之勢而寃濫隨之一則偏聽之害也倚  
任左右私為探訪惑不根之說而案外竚求妄生

枝葉奸人操其短長民隱無由上達而寃濫隨之一則稽闡之害也縱逸偷安案不速結迨至迫限始事周章潦草訊供葫蘆空擬正情蔽匿而寃濫隨之一則執狃之害也初招審擬容有未符迨至上駁則又歸非自是遂致裝點舞情以實原審強詞周內而寃濫隨之坐此四者輕重出入咸失其平欲無寃民其可得乎他如徇情亂法納賄營私更無論矣抑知折情偽于片辭決死生于俄頃明有

國法幽有鬼神而傾任厥偏私恣為憮礪歟不特此

也更有連類而及者三焉大盜當懲也而不肖之吏輒務譁抑事主堅執不移碍於疎防憚于承緝則仇及事主矣人命當嚴也或故而近謀或駁而近故傷仗參差餘從牽蔓而屍親捐供益力不能剖晰案難率結則仇及屍親矣衙蠹當究也而蠹役多係本官素所信任之人被害切膚情迫上控抑之不能庇之不得則仇及被害矣既挾其私則索瘢求疵何所不得法者所以禁暴而衛善人也今縱暴而毒善人抑獨何心本署司深悉其弊今叨膺司臬總匯刑名故不憚婆心設此苦口所願

上下刑官共矢公誠咸歸平允然又非徒事寬縱  
也要知罪惟其當殺不異生以縱為恩德不異害  
案無大小總在虛中察理準律平情體咸中之教  
以副

聖朝欽卹之仁一切偏私務期悉化庶寬嚴得中而簡  
乎可樂矣

通飭查革積役白役檄

爲嚴飭汰除積蠹白役以安民生事照得安民之  
道首除害民之蠹蠹而至積則機詐尤工奸欺益  
甚若白役則又積蠹之鷹犬爪牙所以助惡滋虐

者也故定例凡有父出子入并革役更名復充者俱坐杖徒又經制之外不得濫用白役違者該官均于嚴例原以防微杜漸鋤惡安良也無如積蠹盤踞既深衙門即其營窟又善于窺伺始以小忠小恩要結本官繼以闕線通風勾同經吏處牢固不拔之勢逞饕餮無饗之求遇事風生逢人紫詐間奉官差輒帶白役多人作威作福拘放自由稍不遂懲即誑稟株連不曰碎票毀鐵即曰歐差拒捕本官不察差上加差愚懦莫何毒中增赤甚至逞威逼命戕及無辜又有一等積蠹巨奸為原

被包歇指稱打點撞騙招搖鄉民畏罪墮術往往  
蕩產傾資即有告發而該州縣慮及處分曲爲徇  
庇以致若輩益無顧忌現經本署司訪聞差拏尤  
其明驗查稂莠不除嘉禾不植奸惡不戢良善不  
安除現在密察查拏外合行通飭仰府即便轉飭  
各屬將現在差役逐一清查如有年久積蠹及犯  
法已革改名復充者立即革除一切白役帮差盡  
行驅汰造具存留革除各役姓名清冊限文到半  
月內具文送查倘敢視為虛文陽奉陰違定干重  
咎慎之速速

立限提比捕役通檄

照得捕役之設原以查匪緝盜靖地安民本署司  
蒞任後檢查各屬舊報竊案賊賊率多無獲而新  
報者又幾無虛日可見各屬捕役婪規玩縱豢賊  
分賊殆亦不少以致宵小肆行無忌失竊頻聞迨  
事主稟縣通報雖有勒緝之名不過按季納規買  
囑上下經胥恣為捺擋間遇行提不曰差緝未回  
則稱患病未愈捏詞申覆該州縣反為具文代之  
請寬及經駁提業已暗延數月似此積習相沿失  
業何時得清民害何時獲免本公司深悉其由特已

嚴諭該承將自雍正七年起一切未獲賊賊各案  
逐一造冊註明承緝捕役姓名繳存內署以便親  
查提比外合先開單立限通飭仰府即便移行各  
廳州縣迅將單開新舊未獲賊賊竊案嚴諭各承  
緝捕役上緊晒緝統限一月務獲正賊正贓究報  
如逾期不獲本司擇其贓多之案及盜竊頻聞之  
州縣檄發飛簽嚴提捕役比究仍令自立甘限勒  
期獲賊逾限無獲先行檄催次復簽提仍無弋獲  
即將原捕草役枷責本案另選幹捕勒緝如本司  
行提比緝而州縣仍有以現差患病捏情回覆者

即令該管經承賈叢赴司代比本司立法期于必行並非虛應故事各州縣身任地方緝盜安民尤其先務切宜留心訪察如有叅賊受規之玩捕立即拿究如奉簽提立即申解慎勿視為故套玩不留心縱捕擾害甘以一已之功名徇骯法之玩役也遵之慎之

清理獄囚通檄

爲特飭清理獄囚以免淹濫事照得囹圄之設所以羈絏重囚輕罪干連原不在應禁之律查各縣現禁囚犯除正兇正盜及一切重犯律應羈禁外

其餘或情罪未明或因人連逮久羈不結以及該縣私擅收監並未報明者實繁有徒保無徵罪輕囚幽羈獄底坐使淹斃誠可軫憐合飭清查仰府文到即分委首領縣佐等員迅徃各縣將現羈人犯逐一確查分別已結應禁人犯若干名情罪未定因人連累現在監禁候審人犯若干名開明事犯畧節除應禁者查其衣糧是否周備監獄是否潔淨入春地氣潮蒸飭令各縣多給草薦勤加軫恤外其監候待審人犯該府速即逐案確核轉飭各縣務于文到五日內分別應禁者禁應保者保

一面作速審擬詳解一面開具清指取具該管官並無淹禁無辜印結并委員查無濫禁印記各結先行送核理獄清囚刑名首務慎勿視等具文循延革率干咎未便

申嚴稽延案件通檄

爲申嚴稽延案件之積玩以清塵牘以免拖累事照得地方官承審一切

欽部命盜案件均有定限少有淹滯叅處隨之定例非不綦嚴本司綜理刑名逐案稽覈扣限飭催亦未嘗不為諄切各屬身任地方豈乏精勤自勉之員

然一切案件依限速結者終覺寥寥大抵頂限解司即屬盡其能事而情節滲漏擬議未符者又復不少限既迫切不得不日夜儕辦以期速結其間平情酌理幾費苦心凡以求免無干之牽累實非欲為州縣免一遲延恭處以務長厚虛名也乃各州縣之因循自便者多恃此為辦案良規不至臨限必不審解而又不肯細心詳鞫以期情順法平更有積習難移告戒不省者以稽延為故智催飭為具文或任原差賄壓或任書吏弊延成年累月不審不詳坐使案牘塵冗刑獄淹濫及至嚴提始

草率審解其逾限之處不曰某犯患病未齊則稱  
某日因公赴省藉為展免即准參處亦不自艾但  
歸怨于上司苛刻而已不知情罪未協豈得不駁  
例限既逾豈得不參本公司職任刑名持綱執法是  
所耑司又豈能為庸惰吏少為遷就耶夫盜案以  
一年審結命案以六月審結雜案以四月審結其  
間果有要証未齊又得詳明以犯齊扣限為期未  
嘗不寬州縣但務實心經理何難依限完結總因  
玩愒于平時隨致周章於臨事本公司深悉其由凡  
此陋習務即洗除仰府即便通飭各屬凡承審二

切案件務遵定限先期速結應詳者詳應解者解除現發事件外其餘通報各案現在屆期者速行詳解限期少寬者限兩個月內徹底清理屆限不結即據實詳參州縣父母斯民湏知一案未了里隣証佐牽連凡幾無論守候公庭廢時失業而黠犯之停囚長智訟棍之乘隙教唆衙蠹之因機需索種種弊害更不勝言至於剖斷重案其間情偽萬端事變百出少不周詳即有偏聽尤在虛衷靜氣務盡其情然後不冤不滯所謂明慎用刑而不留獄也若但草率圖結不知徃返駁詰滋累益多

此與玩延不結者何異本公司不憚苦口殷殷告誡  
若檄飭之後各州縣仍事因循苟率本公司惟有以  
玩廢冗闊特揭嚴參斷不徒以逾限詳展長此玩  
習也該府有表率督催之責其務時加稽察催督  
勤嚴慎勿任延並于未便文到先取遵依彙送存  
查毋違

飭禁餽送酒席食物

照得往來授贈原為交際恒情若事繁官方勢有  
統屬則寸絲之餽皆屬干迎一介之取即玷素守  
當茲百度澄清各屬自知鼎愛苞苴請託理所必

無然每當時序生辰猶有餽送酒席食物陋習在各屬以偶爾餽遺不過尋常飲食取與皆無傷于廉恵不知一經收受動有暗徇稍涉私情即違公義究將因循苟且滋弊無窮

皇上澄肅官方首崇廉正取非當取即屬不廉與非當與即為不正可云飲食細故不妨姑受耶但遽行申飭似覺迹近矯名將謂人情難近仍事因循雖則槩行謝絕又恐陋習難除合即通檄飭遵嗣後凡四時節序及生辰等項槩不得仍襲陋規餽送酒席食物所冀各勵廉隅共襄公事本公司亦以此

覘各屬之捺持慎勿故違致貽後悔

刊布五刑圖通檄

爲刊布五刑圖式以儆愚頑以全民命事照得本司秉臬西江每當讞決深用哀矜蓋愚頑未化蹈法遂多不教而誅司牧者之責也然律例繁多既難備舉而村農婦子又不易知用列諸刑繪為圖式仍擇民所易知及其所易犯者標其律例于下俾之相率勸勉以期觸目警心合行檄發仰府即將發來圖式轉發各屬寶貼城鄉市鎮務使窮鄉僻壤一體週知使婦稚皆喻賢愚悉曉各府州縣

父母斯民膚民善俗諒有同心慎勿視同故套仍  
將貼過告示處所造冊報查毋違

驗報命案卽訊明兇犯有無兄弟父母年歲

通檄

爲通飭事照得殺人者抵律有明條獨子留養之  
典原屬

聖朝法外之仁本以哀憐箠箠獨實非為強橫兇徒開一  
生路也故是非虛實務在確查庶無倖濫查各屬  
詳請留養之案多係定招時始據供報而檢驗初  
詳內不遇訊及下手兇犯何人加功助毆何人而

已其本犯有無兄弟父母年歲若干初報文內從未取供以致人犯日久弊生賄串族隣人等詭稱孤子捏結朦混承問官又不慎重詳查率行出結轉使兇徒得以漏網非所以肅法律而慎刑章也查一切供情多憑始寃蓋命犯初到屍場心虛氣憚狡黠未萌即有串捏衆口難齊易于得間是否獨子正宜于此時審定則實情可得而虛捏可杜仰府即便通飭各屬嗣後地方呈報正命案件印官臨場驗訊時務將該犯有無兄弟父母年歲若干一併訊供入詳以杜日後賄串捏結之弊則真

正孤子既得邀

恩捏飾冒稱無繇倅免情法兩平而寬嚴悉協矣若仍復草率不行訊明以致事後捏結者一經察出定即請參各宜遵照毋違

稽查會城各公寓及菴觀寺院停留匪類爲嚴飭稽查匪棍以靖地方事照得省會五方雜處商賈雲集匪類易潛奸良難別訪得省城內外開設公寓甚多原以投歇行旅而一等招搖局騙之匪類勾誘包唆之訟棍潛寓影射彼來此去莫可根究房主惟貨資是圖既不根查來歷而保甲

隣佑亦視為固然並不致詰庵觀寺院亦復如是  
以致行踪詭秘之徒聚歇為非實為地方之害合  
亟檄查仰該地方官立即查明各開公寓之家以  
及菴觀寺院之停留過客者共若干處令其循照  
坊店之例一體設立循環二簿凡遇有徃來住歇  
之人問明籍貫姓名來省何事或過徃何處逐一  
登記簿內半月一次倒換按月具報本司以憑稽  
攷務須實力奉行慎毋虛應故事并不得縱役藉  
端需索致干察究

飭禁迎賽龍舟

爲嚴禁爭鬧龍舟惡習以靖地方事照得時届端  
陽江省民俗每村每鎮各設龍舟陸則有迎賽旱  
龍上廟名色沿門醵費丁壯老幼百十喧逐伐鼓  
擂金沿村迎賽務為呼號嘈雜之聲甚至縛神于  
杠顛倒翻簸其或兩村相遇彼此爭道則忿不顧  
軀逞光鬪毆每致傷人涉訟此則旱龍船之流患  
也又有水龍舟不過水鄉破爛渡船畧無粉飾村  
民赤膊跣足擊楫鳴鑼爭先角勝每至覆溺喪身  
惡習相沿生事釀端不可枚舉屆今端節伊邇誠  
恐無識村愚仍踵前習合亟嚴飭查禁仰府即便

轉飭所屬出示各城鄉地保人等遍行傳諭一體飭禁如有仍前斂錢扛擡旱龍沿村迎賽生事及赴水划船爭鬧互鬪者許該保甲人等立拿首事之人送究倘有抗頑不遵查拿即報縣差拘解究慎毋徇隱先將遵行緣由具報毋違

通飭解比捕役代替斂費

爲嚴飭事照得各屬通報竊案先因賊賊十無一獲而新報之案紛來率由捕役豢縱婪賊以致宵小肆行無忌是以本署司擇其贓多及案多之州縣籤提經捕解比原以嚴盜匪而徵急縱近聞捕

役中竟有冒名代解代比又有捕解比衆捕帮  
費藉比斂錢祇以虛應故事仍置正賊正賊于不  
問該州縣既無督察于先漫不稽嚴于後了却具  
文便為能事似此官役習為玩縱不特積案難清  
正恐盜竊之風將益無底合再嚴飭仰府即便通  
飭各屬務宜整頓精神速行振刷須知報盜不緝  
此與諱匿者何異蓋靖盜戢匪正非一報即為了  
事上司催提亦非一比即可塞責經捕之玩蔽無  
窮全在地方官之刻刻稽嚴該州縣果能嚴于督  
緝本署司又何事親行提比則本署司之提比捕

役正以儆該州縣之因循踈懈豈得反行庇役一任弊混嗣後奉到籤提該州縣務將正身承緝經捕解比切勿任其代解派欵倘通飭之後仍有前弊一經察出除鎖拿正身經承捕役重處外定將該州縣以庇捕縱盜揭參當共凜遵毋貽後悔

通飭解犯遵例僉差

爲通飭事照得解審人犯例應每犯差役二名管押若斬絞重犯更須逐縣僉差協遙遇晚收禁方免踈虞今查貴溪縣解省犯江三四等人犯二名到司雖批僉解四名而管解實止二名且解犯

到省解役李勝等胆敢沉鬱文批延住飯店經本司訪查始行投解弊玩已極除將人犯收禁解役押發南昌府究報外恐各縣解役仍有似此玩法作奸致有踈縱合亟通飭仰府即便轉飭各屬嗣後解審人犯務須按名照例批差二人當堂僉點正身的役嚴諭毋許私行包替人犯多者該府仍添府差一名官押如斬絞重犯務必由縣遞解遇夜收禁毋許任留飯店如敢故違定行提究詳參仍先具邊依送查速速

飭保衛永市灾民檄

爲飭嚴保衛以恤灾黎事照得州縣父母斯民痛  
瘳一體况當灾害之餘尤宜加意存恤俾獲寧居  
本司查清邑之永市地方人烟稠密舊臘不戒于  
火延燒居民二百三十餘戶當飭該府確查議請  
捐恤在案今訪得該地被火灾民房屋被燒之後  
多屬搭蓬棲止輒有竊匪每夜結黨多人挖門鑽  
戶甚或拋磚擲石肆行偷攫印捕各官既無覺察  
兵役保甲惰不稽查以致灾黎重困深堪軫念合  
亟嚴查仰府飛速飭縣文到星即多差幹役協同  
該地汛兵保甲人等加謹巡防以資保衛仍查明

被失之家勒捕緝獲報穿務使地方寧謐居民得以安枕倘檄飭之後仍敢怠弛除提汛捕究處外印捕各官並于未便凜之慎之

詳鞫案情以重刑讞通檄

照得敬獄而後中罰刑清而後民服守令職司民牧皆有折獄致刑之責淫刑縱法黜罰隨之諒所深知理無故蹈然不致其忠愛悉其聰明則察理不精推情未盡稍徇意見之私則失簡孚之道欲使情允法平可不其難其慎乃近閱各屬招解一切獄情率多疎畧任意雖以出入生死之重不難

指虛作實飾有為無明明情理難憑而曲為文致  
明明供情足據而漫不推求使曲直淆于兩歧是  
非介于疑似反覆披閱茫無以定不得不逐為指  
駁而玩易從事者方且始終回護如宜春袁詩一  
之案弋陽傳教化之案尤其明徵其他固執不回  
屢駁屢更愈展愈譖更難悉舉俱現在委員另審  
果有不符勢難曲庇第思庸鄙之吏狃于積習或  
事深文或為姑息既無敬獄之誠又乏清刑之具  
徒以上司駁詰為苛刻瑣細視等具文漫無倣省  
任其苟且因循之見恣為游移粉飾之辭既已蔑

視民命于先迨別員審出遞罹彈章究亦自禍功  
名于後此時噬臍又復奚及仰府即便通飭嗣後  
審理一切案件務秉虛公細加詳鞫勿憑私見勿  
任支詞或經駁詰更宜虛衷覆訊窮究實情不得  
回護初招亦不得游移遷就倘通飭之後仍不細  
心復行草率少于出入本司惟有執法詳參不少  
寬假各宜凜遵

稽查匪竊通檄

爲再行嚴飭稽緝匪竊以安農業事照得時近春  
融正農民東作之時查各屬詳報失牛案件幾無

虛日舊案未獲新案紛仍皆由地方印捕各官平  
日漫無稽察以致營坊經捕縱賊養奸貽害地方  
深屬未便合再通飭仰府即便查明各屬原報失  
牛案件嚴行印捕各官勒限遴緝務獲逾期提捕  
懲比自此再飭之後如地方仍有報失牛隻即飭  
將經營坊捕隨詳解府先行懲處治以疎玩之罪  
仍限日比緝賊賊務獲究報如逾限不獲立將經  
管承緝經捕解司究比倘徇庇不解定將印捕官  
縱役養奸職名詳揭請參凜之慎之

申嚴夜巡通檄

爲嚴飭夜巡以靖地方事照得時值隆冬宵小易于竊發城鄉市鎮最宜加謹巡查地方官職在弭盜安民首務力行保甲仍督率夜巡使奸匪無所托足則地方自獲敉寧深恐猥弱之員任意廢弛保甲不行巡查不舉致使閭閻受害竊匪肆行除省會檄行南昌府轉飭照例委員夜巡外合檄通飭仰府即便飛飭所屬無論城鄉務令保甲實力嚴查如有苗生可疑及來歷不明之人立即盤詰驅逐毋許容留境內其城市關廂即率捕巡各官分頭查覈鄉村僻處亦令保甲人等設立梆鐸輪

流巡邏務使居民安枕地方寧謐倘敢視為具文  
不加督察致有匪竊頻聞者即將該縣奉行不力  
職名詳揭請參該府仍移廳員一體督率稽察毋  
任玩忽速速

嚴飭捏孤留養通檄

爲再申捏結告孤之積弊以昭法律事照得殺人  
者抵律例嚴明我

國家以孝治民哀憐焚獨於應抵之孤子察其情罪  
酌予留養本以昭法外之寬仁使老疾無告窮民  
不致饑填溝壑非庸史可以市恩奸胥可以婪賄

開正兇弊捏之門枉死者夜臺之泣也江省積習  
有本多兄弟而賄族冒繼捏為獨子者有本無父  
母而僱倩老疾裝捏膚憩者有將年不及歲之父  
母或年已及歲之弟好增減年歲以圖符例者種  
種錮弊難以悉數究之犯法愚民詎知告孤為何  
事率係刁徒訟棍串商州縣奸胥杠帮捏混賄囑  
里隣房族捏結袒供更有一等兇徒恃有假捏留  
養倅生之路以為殺人可以不抵益復逞其兇鋒  
閻狠無忌是以恤老憐孤之典為縱兇長暴之端  
各縣身任地方與有明刑止辟之責而漫不加察

率據偏詞遽行附請又何以鋤頑戢暴肅法扶良是以本公司前經通飭于驗屍時訊取落牋初供究明有無父母兄弟杜其弊混不謂法立弊生近又訪聞奸胥訟棍于未經驗屍之前即有教令捏供以為成招倖脫之計深恐各屬有司為所欺蔽以致自誤功名合再通飭仰府即便轉行遵照嗣後凡有告孤留養者務須親加察訪核其情罪確有可原老疾確有足據斟情酌律照例附請其迹涉冒捏務須究出胥役訟棍串通舞弊情由嚴加詳究慎勿仍前草率如有故違一經本公司察出官則

揭參役拿法處決不姑寬慎之慎之

通飭設立軟紙釘封檄

爲特設軟紙釘封以慎公務事照得往來公文上  
關庶務下係民生最宜慎密以杜奸弊本公司前訪  
江右沿途舖司及總舖提塘號房人等每遇遞送  
上下公文竟有私拆偷看之弊故凡發屬文書皆  
用釘封裝遙詎外封率用厚棉夾紙易于偷拆因  
之日久弊生仍訪有偷拆情事若不設法稽查終  
恐弊無底止茲特于郵封之內另用細紙軟封釘  
綸鈐印俾之難于偷拆仍外用厚封以防擦湊合

先檄知仰府即便移行廳縣一體知照凡接到本司公文于拆閱時先將外封拆開取出軟封拆閱細加查驗如有針線割斷軟封損破之處即一面具文報明一面挨查舖司人等按律懲究不得草率姑容仍于月底將內外各封挨號呈繳以憑核對倘有玩擋不繳定提經承懲究并飭凡有申詳本司緊要案件亦照此式遵行毋違

飭嚴獄禁通檄

爲再飭稽防獄禁慎圖以嚴重犯事照得囚禁獄犯雖罪名輕重不一但既為應禁之犯多係命

益重囚司獄官典吏卒固當恤其饑寒憫其疾苦  
若械繫封鐲自應照例防嚴乃江省從前則有德  
化縣越獄之案旋又有南康縣越獄之案近又有  
永寧縣越獄之案可見官吏踈懈慢不經意者正  
復不少迨至事發則鋪張粉飾具文一報即為了  
事此種弊風何可漸長除德化一案業將該縣嚴  
參南康永寧之案現在嚴行查究外合亟通飭仰  
府即便嚴檄有獄官典吏卒務宜加謹防嚴大抵  
獄犯在監既有肘鎖等械桎梏其身而自內監以  
連外監門戶重重皆有鎖鑰又獄不漏風既無通

信接引之人一切器物又皆出入搜檢不許帶進  
官吏復以時巡查獄卒又小心看守雖有黠犯從  
何飛越唯其平日踈庸漫不稽察以致獄禁不嚴  
外人出入勾通獄卒受賄買放故重犯越獄斷無  
不知情之獄卒理極易明并飭嗣後如有越獄事  
發務究獄卒賄縱實情倘本官漫不推求反敢代  
為掩飾則疎忽于前故縱于後責有攸歸定以故  
縱揭亦不能少為寬假也該府仍取各屬遵依彙

報查考

飭行巡檢各歸汛守以重地方嚴

照得巡檢一官各有汎守其間或因大鄉巨鎮五  
方輳集或因衝途要隘奸宄易潛州縣鞭長不及  
設立巡司以資防緝無非地方至計乃江省各屬  
巡檢多有因設汎處所向無衙署或歷久塌毀不  
能興修率住居縣城而置汎守於不顧不知縣城  
之內既有正印又有佐雜及駐防營汎何須巡檢  
復駐縣城是巡檢徒為曠職而汎守反致虛懸似  
非所以專職任而重地方也究之巡檢在縣仍無  
衙署不過僦貸民房及寄居寺觀與其遠離汎守  
何如即于該管汎地內相度人居寺觀暫行僦居

一函徐圖建署庶無曠廢現在時届隆冬宵小易  
于竊發尤資巡緝以綏地方除通詳外合即通飭  
仰府即便通飭各屬凡有巡檢居住縣城者飛飭  
各歸汎地嚴加防守務使宵小潛踪地方寧謐如  
實無衙署者一面飭行該縣酌量應需工費詳明  
設法建署仍將回汎日期先行具報倘該員不速  
赴汎仍行逗遛即據實詳參庶巡防有藉而官非  
虛設矣稟遵毋忽

丈量宜慎諭

查任土作貢有田自應有糧然必實有其田則照

則科糧庶上不虧而下不困訪聞江省各屬從前  
所報荒地率照原額老荒開報不過上下雷同混  
行塞責原非履畝察勘實有其地此中積弊良不  
勝言今奉 院憲嚴諭逐一丈量原恐各屬或有  
玩忽從事自不得不諄諄切示各屬自宜遵照奉  
行但行之稍有未善近之則貽村莊一時紛擾之  
憂遠之則貽小民百世浮糧之患况今日差查明  
日取結官吏日追逐于四鄉里老日奔馳于縣邑  
國家之裨益幾何而官民已不勝其擾又非所以體  
聖世惠保無疆之意也雖事關錢穀各有專司然地方

休戚所繫本公司豈能膜置各州縣父母斯民是有  
是無忘期實在慎勿存急功喜事之心以貽地方  
重歛加徵之害當念

皇上惠養元元蠲租省賦減免浮糧不惜千百萬帑金  
以安全蔀屋又豈肯于荒礲鹵磧中與小民爭毫  
末哉與其剝下毋寧損上其間能存得一分體恤  
即為地方造得一分福澤慎之勉之

行各學再舉觀風檄

爲賢關廣開文教聿興再舉觀風以勤士業事照  
得升秀掄才

國家之大典家修庭獻士子之素心然必握瑾以懷珠乃可騰霄而躍浪欣際

聖主當陽之會幸值虞廷薦俊之時方宏解額載設恩科同壽考之作人媿菁莪而造士此誠師濟丕興茅茹彙起皇天池而奮跡邁雲路而遄征者也然美不勝收才難具識雖揚鑣遠駕併搏鵬鷗于秋風而懸鑑空明擬別驪黃於此日本司職膺風紀慕切斯文徃已循例觀風慎加品第凡預前茅之列咸多拔萃之英近或採香桂窟或掇藻芹宮或選舉明經或書升鴻博喜人文之蔚起章識鑒之猶

真固已窺豹一斑叩鍾兩載惟是學有小成大成  
之別士有日新月異之修則夫膏暴窮年豈乏譽  
髦繼武用遵成典再示觀風仰學將發來試題傳  
示闔邑貢監生童各殫精思一抒夙蘊機軸在心  
勿雷同於時徑卷舒任意毋勦襲夫陳言各抒一  
日之長用展生平之蘊本公司將虛公衡賞窮忝丹  
黃一日之知諸生其載筆以從預必辰已兩闡之  
捷該學職司課士任重師儒催督宜勤鮮呈毋後  
倘逾定限責有攸歸豈第考諸生積學之淺深亦  
以覘該學課工之勤惰濡墨以待毋任怠延

飭禁藉命抄擒檄

爲飭禁藉屍抄打之惡習以戢刃風事照得地方人命自應聽候印官秉公細驗詳報審究屍場抄打歷經嚴禁乃近聞各屬相驗仍有不法屍親率領無賴棍徒蜂聚屍場把持吏仵不容辨別真傷動輒逞兇毆打詐賴棺殮恣行勒索甚至挾官毆役毫無忌憚此等刁風各屬多有而信豐安福寧州都昌德興宜黃等州縣為最蔑法恣橫殊堪髮指合亟通飭即便轉行所屬出示嚴禁如遇此等不法棍徒憑恃屍親不靜候相驗把持官吏毆鬧

勒索抄打庵場者立即一面鎖拿一面詳究不得姑息輕縱致長刁風以貽民害

飭嚴濫刑滑夾及差均婦女通檄

照得審理一切案件旨在平心細鞫俾盡其詞然後察其情偽決以是是非則刑不濫施而罰惟其罪若挾其偏見無所折衷已非良吏况復徒恃刑求恣為逼嚇酷烈孰甚定例夾刑之設惟真正令盜案內狡黠之犯并貪吏蠹役光棍賭棍及情罪重大人犯贓証已著狡口不承万之一夾訊其餘槩不得濫施刑夾禁例甚明近見各屬審詳自盡不

及賊跡已明之小竊命案牽連之餘犯亦竟有漫  
不平心推問輒行刑夾者則真正命盜不待言矣  
夫一达觸而膚粟一髮拔而色變人身已身夫寧  
有二以三木嚴刑而畧無矜慎是屬何心至婦女  
有犯除姦盜人命重情及別案身係正犯方准提  
審其餘俱提子姪兄弟代審定例昭然乃各屬凡  
遇牽連婦女事件多有不論正犯餘犯案之大小  
罪之輕重動輒差拘在鄉間男子素未見官偶至  
公堂輒先震栗况為婦女拋頭露面差役呵呼行  
道聚目此豈所以培風俗養廉恥乎仰府即便通

行嗣後承審案件即有情節未明務須揆情度理  
虛衷研鞫毋得擅動夾刑其牽連餘犯本無重罪  
地方官但能虛公詳慎尤不應恣情濫夾至關係  
婦女之案除身係正犯及案關重大實係緊要待  
質之人仍行提審外其餘一切牽連細事槩令子  
姪兄弟代審不得一例差拘各州縣倘視為具文  
漫不經心仍滋前弊一經查出定以違例揭叅並  
提玩忽不行稟阻之經承究處其各凜遵毋忽

通飭查禁隣私

爲嚴禁隣私侵越以遏積販以疏官引事照得私

鹽侵越則官引壅滯故裕課恤商首在稽嚴私販  
江省界連閩浙粵三省各邑要隘卡口如建昌府  
之廣昌縣則與閩省之汀州黃竹關連界南豐縣  
則與閩省建寧縣之盤湖隘百丈隘連界新城縣  
則與閩省邵武府光澤縣之德勝關杉關連界瀘  
溪縣則與閩省之雲集關連界贛州府之石城縣  
亦與閩省汀州連界私販結黨成群百十挑運或  
由石城衝入寧都越大樹嶺而侵吉安屬之永豐  
縣等處或由南豐等縣侵入撫建二郡恣行衝越  
各屬鄉村市集在在皆有閩私此則閩私之流患

也浙私陸路則由貴溪縣之鷹潭至鄧家埠分入  
許灣東鄉進賢地方水路則由鉛山安仁侵入饒  
州之景鎮等處或由瑞洪越謝埠至三江口侵入  
臨江之樟樹及瑞州之河口等處或由婺源衝香  
屯越戴村而侵入德興樂平等處此則浙私之流  
患也粵私則從筠門嶺由信豐南康上猶分侵吉  
安府之龍泉永寧或由萬安縣分侵泰和永豐等  
處雖屢經飭緝而奸賊肆行如故摠由地方各隘  
口多無兵役把守巡查而卡口所設巡商又並不  
坐守督緝以致巡丁每多賄放鄉村百姓利其價

輕輒以為便該地有司謬謂便民平素既玩不查  
拿間有兵役拿獲則又希免失察處分率稱肩挑  
易食曲為開脫致使奸販得以侵越無忌不知各  
路隘口或阻險要或隔風濤涉險牟利率係地方  
强有力而不安本分之徒坐使可耕可鑿之民習  
為抗法姦利之事馴至積梟充斥百十成群聚黨  
滋事其患不特紳課病商也若不急為稽嚴弊于  
何底合亟通飭仰府即便通飭凡係隣私出入水  
陸要隘地方務督巡商巡丁汎防兵役勤加查緝  
遇有私販奸徒無論肩挑船載立拿稟報執法究

擬如有結黨拒捕照例分別從重究治若該巡丁  
兵役受賄庇縱一例重懲鄉村市集仍有私鹽貨  
賣許行銷官引之小販舖戶人鹽並獲拿稟該地  
方官詳究倘有地棍窩匿把持通同徇隱一體科  
斷地方官弁或有心徇縱或漫無查察一經訪聞  
定即嚴揭參究毋貽後悔

飭行刊布五刑圖通檄

照得愚民無知往往以一時小忿犯法罹刑當本  
司親訊時未嘗不叩頭泣血服罪不遑急欲自悔  
而不可得按獄至此良可憫惻本公司忝為弼教之

官時切圖民之懼不教而誅所謂罔也因備刻五  
刑圖條具律例于下分發各屬刊布廣貼俾曲巷  
山村愚夫愚婦皆可觸目警心譬如井焉人知其  
爲井則不肯陷于井也譬如鳩毒焉人知其爲毒  
則不肯食其毒也縱有明知而故犯則下愚不移  
死亦何憾若夫不知其爲井與毒而誤陷之而誤  
食之則不教之故也夫縣令者民之父母也以匹  
夫之身而

朝廷榮之以祿秩優之以養庶原欲使愛養斯民教化  
斯民盡其爲父母斯民之道也乃本司自發圖以

來該縣之實力奉行遍行曉諭者固多其毫無感  
發視百姓之犯法如秦越人之肥瘠漠不關心者  
蓋未嘗無人尋常翹望講讀

上諭所以牖民範俗也每每視為故事即此便民觀覽  
之圖期以推廣

皇仁于萬一者該縣又漫不經心是其居官非刻薄則  
糊塗也合再飭行務照前頒圖式廣行刊布使所  
屬境內人人寓目本司仍時加察訪遇有審犯亦  
必細訊其曾否見圖以察該縣之曾否奉行凡人  
未有不教其子弟而忍殺之者忍于不教其民而

綏之乎時時以此存心則父母斯民之道庶幾不愧矣思之毋忽

密飭查拏老瓜賊并卦姑等匪

爲密飭事欽奉

上諭查拿老瓜賊卦子等匪一案除經敬抄

上諭另諭欽遵外查老瓜賊卦姑等匪形踪詭秘出沒無常稽防少懈實恐潛踪滋害伏讀

諭旨此等匪類多住汝寧等處每至冬間即回本籍則當此春初正若輩四出之時各屬隘口通衢急宜及時防緝而南昌府之寧州九江府之德化瑞昌

袁州府之萍鄉吉安府之永寧龍泉南安府之崇  
義等縣偏隣湖廣轉接河南尤當嚴密仰府即密  
諭各屬移會營員彼此關照遴選穩實兵役協力  
稽查凡通途要隘遇有面生可疑及男女成羣扮  
作醫巫等類情形詭秘者即密函其來踪去跡飛  
稟地方縣營慎密查拿其餘各屬亦一體稽嚴不  
得互相推諉并申嚴兵役不得怠惰偷安尤不得  
藉名盤詰阻攔行旅滋擾地方務在實力遵行俾  
奸匪無所遁跡而地方獲享敉寧慎切慎切

再嚴稽積閹壅通檄

爲再嚴稽積關壅之弊以速案件以省施累事照  
得州縣官明罰折獄固貴不寬尤貴不滯所謂明  
慎用刑而不留獄也故承審一切案件例有定限  
如盜案限以一年命雜案件限以六月

欽部案件限以四月爲期未嘗不久而犯証未齊人犯  
患病解審程限差委公務又例得扣展立法更不  
爲不寬地方官但能勤慎辦理自可尅期即結在  
官既免違悞之處分而証佐隣保復免無辜之牽  
累上司審轉又復從容詳慎不致臨限周章豈不  
上下交得官民兩便近查江省各屬案件多有臨

限始行審解更有逾限不結致干叅處者豈盡狡証黠犯供據難憑良由冗積稽踈因循貽悞現奉定例承辦事件遲延上司即照例揭參毋庸查取職名上司揭報遲延均干例議則辦理違逾更難寬假若不嚴加振刷誠恐積習未除則案件日積叅揭日繁合行通飭仰府即便通行各屬速將通報案件逐一查明立行審辦務于距限一二月前妥協審解如有踈急性成仍行稽擱本司定以玩愒特揭必不止以違延叅處致滋冗幕貽悞地方至該府有督催招轉之責尤當按限稽嚴解到人

犯查無疑竇即行尅期審轉慎勿稽留如招供稍有疎漏而無闕出入擬罪稍有未協而例得更正者即便詳查更正于招內聲明不得徒事瑣駁以致人犯往返拖累案情轉輾稽延本司實為整頓疲玩起見慎勿視等具文自干噬牘文到仍一體取具遵依報查毋違

人犯未齊并續獲人犯扣展通飭

為通行飭查事案奉

撫督兩院行准

吏部咨各

省承審案件因例內載有人犯到案起限之例往徃因案犯多人先後拿獲止以後獲案犯之日扣

限承審又因例內有正犯要証未獲未得確實准其展限之文往往以扣展屆滿之期拏獲一犯即稱臨限拿獲夥犯詳請批准展限並不照例

題明查正犯要証未獲固難審結若正犯要証已經到案間有夥犯未獲無難即將現獲之犯據情研審其夥犯儘可獲日另結原不便因續獲夥犯另起限期或係臨限拏獲勢須質訊但正犯要証久經到案夥犯一到即可審擬成招更無庸另展限期致滋拖累且展限事件例應

題明該管上司原無據詳批准之理嗣後承審事件

務照定例扣限審結如有實在應行展限緣由亦  
必確實查明具

題展限不得仍前任意扣限等因業經粘抄通行飭  
遵在案查江省現在未結應

題應咨重案內多有以人犯未齊請齊犯扣限者亦  
有續獲夥犯請以後獲案犯之日起限者均係詳  
奉 院憲批行原未

題明今既奉 部行自應將各屬審案逐一清釐以  
免延誤誠恐各府不加詳繹一任屬員弊混致干  
嚴例合再備敘原行通行飭查仰府照牌事理即

將各屬已報未結一應重案內有請以齊犯扣限  
及請以後獲人犯起限者無論已未詳明批允逐  
一查明凡有齊犯扣展之案如果實係正犯要証  
未獲案供游移萬難即結者即叙具切供將犯証  
因何未齊案情如何未實緣由備叙妥詳以憑轉  
請

題展其有請以後獲人犯到案起限之案除實係正  
犯正盜及必須質訊之要証照例叙供詳請外其  
正犯要証已經到案續獲夥犯槩不得混行詳展  
仍將例不應展各案逐細核實速飭各屬將現犯

確審擬解有違限者速即詳悉該府綜理一府刑  
名濫行請展新例綦嚴務宜徹底清釐慎勿少滋  
清潤仍限文到半月內分案具詳不得遺漏一案  
如無此等請展案件亦即具文申覆若視等具文  
徒諉之州縣致有舛錯本司亦唯該府是問切宜  
遵照毋違速速

飭禁長隨坐省檄

爲飭禁長隨包攬坐省造事招搖以杜撞騙事照  
得家人坐省例禁甚嚴原以伊等藉事生風飾無  
捏有欺誑招搖故特申禁令以絕誑騙之端杜鑽

營之漸近查各屬雖無坐省家人而有種不法長隨專行包攬名為坐省探事每以一人包管數郡州縣凡遇大小公事動稱打點名色不云某衙門書役應如何幹旋則稱某衙門官府應如何交際恣行冒捏圖飽私囊甚或造作妄言闢說利害捏捕風捉影之詞為勾利營私之計無識之員方且委心任使而不知其早墮術中此等棍徒不特無益地方公務抑亦有關上下官聲若不嚴加飭禁何以肅法維風除現在密拿并行示禁合就通飭仰府即便通行所屬各宜恪守官常循分供職如

有前項坐省長隨槩行禁革倘復陽奉陰違甘心  
愚惑一經察出立即詳究各務凜遵毋違切切

飭禁擡神檄

爲飭禁事照得江省屢歲有秋年豐人壽實臻熙  
皞之風地方民戶于各廟誦經建醮禳疾保安原  
所不禁惟習俗信鬼尚巫動輒擡神往往縛神于  
揷頭倒掀檣務為格磔嘈雜之聲又縱金伐鼓百  
十喧呼扈闖衢巷午夜不休似此瀆亂不經即為  
風俗之害且成群擁擠保無踐踏之虞燈火沿門  
保無焚燎之患若嫚神亵禮更不待言矣從前以

為事屬適然因俯順輿情暫未禁戢今經匝月久而彌甚若復聽其自然狂蠹將于何底況閩期在即不日商賈紛來士子雲集伊等百十為群充塞巷正忍宵小乘機滋事尤非寧謐地方之道合飭曉示禁止仰府即便飛飭南新二縣通行曉諭嗣後止許于廟內建壇念經不得仍行撞神繞街喧鬧居民舖戶止許于門前供奉香燭不得懸結高燈如示後仍有撞神惡習即查首事之人懲以違令之罪約保人等不行勸諭及藉端滋擾一律科罪該府縣身任地方均有專責慎毋泄視仍將

飭禁過緣由具報毋違

軫恤囚犯檄

爲飭查事照得軫恤獄囚屢奉兩院檄行本公司又經頻頻告飭不啻再三各該縣府自無不留心體念但查新喻縣獄現在人犯報病者十一名報寃者六名旬日之間據報如許是否獄卒仍有急于打掃以致穢氣薰蒸或尅減囚糧以致俾囚饑餒抑係該縣自以署員有心膜視一切醫藥任聽刑禁人等苟且虛應不加察視均未可定合亟飭查仰府即速確查該縣禁獄有無前項情弊並飭

將該縣在監人犯如有命盜案內牽連查非正犯  
即行發保贓輕竊犯分別另處羈守不得一槩混  
禁致滋傳染其患病人犯查係徒罪以下槩予押  
保醫治并委管獄官典督率禁卒不時打掃薰洗  
日給囚食并醫藥等項務須親加檢視交秋氣寒  
病犯中如有無衣無薦者作速照例預給棉衣草  
薦歸案報銷均毋泄視致干察究

飭定玉山縣昇欖撫夫工資檄

爲飭議事照得玉山當兩粵黔楚之衝客商絳繹  
多有扶輶過山者訪聞向係該縣站夫包攬昇送

民夫不得應雇凡棺櫬到岸站夫居為奇貨或止  
需夫六名八名者必稱需夫十數名脚價多于民  
夫數倍復有索損錢花紅錢酒錢種種名色恣為  
勒索必飽其欲而後止迨至昇送則不過數人隨  
處拋棄四五日方到客商既苦勒索復苦守候而  
勢出無何吞聲甘忍甚為滋累查孤骸客櫬隔省  
歸葬其事可悲其情良苦何堪站夫霸倨被勒種  
種以致無力客商視為畏途棄柩他鄉不能歸葬  
者不知凡幾若不立法防維何以綏懷行旅合亟  
飭議為此仰縣照牌事理立將過山旅櫬確應何

項夫役弁送酌定每棺應需人夫若干每夫應須  
夫價若干需用索損若干定以日期務使夫役無  
包勒之弊行客無阻留之苦分晰妥議具詳以憑  
核定永立章程限文到半月即覆不得率延

飭查捏訪撞騙通檄

照得三年考績黜陟攸關所以旌別淑慝以昭  
聖世彰瘅之公厥典綦重本公司蒞江六載職司廉察凡  
新舊員屬每于辦公時觀其居官之勤惰才識之  
短長聽斷之能否又于接見時觀其器局之淺深  
居心之誠偽年力之盛衰再考之事績採之與評

以定其操守之清濁雖佐貳微員亦未嘗不留心甄別孰優孰劣頗有灼知原不待遵行

計典始事訪查前因每遇

大計輒有無藉棍徒假稱上司書差名色託言私訪串通地棍四外搆搖恣行誑騙本司深悉其弊業經出示查禁在案但奸徒固應稽嚴而官守猶當恪勉地方官固能自信于平時必不受欺於今日惟自信不真遂滋簧惑致墮術中迨至覺露悔復奚及仰府即便通飭各宜恪遵官守自察平時苟克慎克勤問心無愧正不必過自周章其或才力偶

有未純而職業原無廢墮又當勉自惕勵何當復蹈邪蹊若其名行早隳則孽由自作僥倖斡旋徒益罪謹亦復奚為慎自檢束毋為所欺如該管地方有行踪詭秘託言差訪者不論指稱是何衙門名色立即嚴拿解究倘或徇隱諱飾甘受欺愚一經本公司訪聞惟有立揭請悉是營幹反以速禍徒貽後悔慎之毋忽

飭禁過客路斃拖累無辜通檄

為通飭事據臨江府詳峽江縣驗報過客廖羨曾在彭朋保船內病死一案具報之童元正與廖羨

曾邂逅同船本非素識而舡戶彭朋保亦不過將  
船攬載偶爾搭裝不意廖羨曾在舡病故該縣即  
令伊等看守屍棺俟闋移屍子到案始釋未免滋  
累等情詳請通飭前來據此為查凡客店客船偶  
有病斂異籍商民經地方官驗無別故自應眼同  
店戶船戶同伴人等驗明遺物將屍棺浮厝遺物  
封存立即開喚屍親認領其店戶船戶同伴人等  
即行省釋以免拖累豈容無故羈延致滋守候今  
據前情合行通飭仰府即便轉行所屬嗣後如有  
類此案件果經驗訊明確並無別故即便查明遺

物封貯將屍棺淺埋官地標記于上俟閱到屍屬  
訊明給領其無辜人等即先省釋以免延累倘其  
中果有情節疑似尚須屍親到案質訊者即照例  
通詳候奪不得率以驗文含混申報毋違

通飭檢驗遲延撤

為通飭事照得復檢屍傷原因傷供不明案涉疑似人命所關不得不其詳其慎各縣遇有詳檢之案奉到批示自應速檢通報一以實案情而免黠徒之狡展一以速公件而免犯証之牽連是以託故遷延均闕例議至于仵作自應平素教習即有

初學不諳隣邑關取亦宜刻日催關或遇別邑先行移取即宜就近別調安有懸案以待之理乃江省各邑每遇覆檢之案率稱仵作不諳關借別邑仵作檢驗以致展轉羈延竟有遲至三、四月始行檢報者不特全非詳慎之道正恐諸弊叢生案情淆亂乃庸惰之吏積習相沿恬不為怪合行通飭仰府即便轉飭所屬嗣後遇有覆檢屍傷之案飭限文到十日内即行檢報倘有別故難於速檢者即飭據實詳明遲亦不得逾半月如仍有藉稱仵作不諳徃返閩取故意稽延玩視命案者該府立

即取具檢驗遲延職名詳參毋得故違千咎慎速  
慎速

申嚴追犯疎縱檄

為通飭事照得遞解人犯無論輕重自應慎選的役照例每犯兩解庶免脫逸乃近來各屬解犯並不慎差正身妄役押解率聽經承差頭膝混情揆游手白役混行押送以致疎脫頻聞近更有二犯一解且敢縱犯聽其回家挈眷脫逃者雖由差役瞻玩要亦經承弊混地方官惰慢所致似此積玩不振若不立法懲創官疲役玩將於何底況屆此

秋審解犯絡繹或恐各縣積習相沿致有踈脫所  
關尤大合亟通飭仰府迅即嚴飭各縣嗣後如有  
押解一切人犯務宜當堂僉撥正身的役照例一  
犯兩解飭令小心管押該縣既已身任地方自應  
事事留心豈容率聽書役弊混僉發一票即為了  
事如該縣業已照例僉差而玩役仍敢滋弊致有  
踈脫人犯者不拘何項人犯于初報時即飭將僉  
差之役及經管經承一并隨詳解司查究倘該縣  
託詞徇庇不解定以有意玩縱揭參慎勿泄視致  
貽後悔凜慎毋違

歲暮防嚴匪竊通檄

為再行嚴飭事照得時届歲暮正小民經營卒歲之時亦匪類乘隙滋萌之候宵小既多稽防尤亟誠恐坊捕保甲漫不根查印捕各官安于踈懈匪竊不知欵迹貧民何以安居合亟嚴飭仰府即便轉飭所屬印捕各官務須嚴飭保甲督同快捕實力稽查街坊柵欄輪流看守其村莊僻遠之區尤當悉力搜捕地方強乞流丐并力驅逐務使匪類無托足之所庶小民獲享乂安之福倘印捕各官漫不實力督捕仍前諒解以致賊匪公行報竊時

聞者該府即提供捕重處竝將玩忽之地方官分別詳參勿稍寬貸

歲暮防嚴監獄通檄

為特飭防嚴事照得監獄重地防範須嚴值茲歲暮封印各役尤易疎懈有獄各官更宜慎密或有因公出境尤須委員加意稽查以防意外之虞合檄通飭仰府即便轉行各屬嚴飭管獄官督率刑書獄卒人等小心看守斬絞重犯照例用堅固肘鐸設立木柵派令更夫支更守夜該縣仍不時親自赴監點驗其有重犯肘鐸不堅可以鬆脫或不

設木柵立將刑禁人等嚴究重懲毋任禁卒受賄  
鬆刑致有踈縱至典史一官而司刑獄果能加意  
防嚴何至一時踈脫玩縱自恣罪有所歸務各凜  
慎各州縣如有因公出境者尤宜專員巡督毋得  
泛視致干嚴譴

牽連人犯分別省拘通檄

為奸徒之砌捏多端無辜之牽連滋甚分別省拘  
以杜誣罔事照得小民之累莫甚于獄訟干連而  
江省惡俗告訐一人必連一族無分老病幼稚一  
網株連無有免者甚且及其姻黨連其婦女其尤

可深切痛恨者借事興波擇肥而噬雖以父兄子弟被殺之仇正兇倘係赤貧不難舍置而旁及無辜殷實之戶苟排鱗砌以恣赫詐畏事愚民不得不賄求摘免其不甘欺詐者則奔走守候失業妨時迨及經官審輝業已耗費傾資此等惡風各屬多有而臨江撫建南康吉安為尤甚地方官惟以原狀有名不問虛實一體票拘而經承則量其人戶之貧富定為名次之後先是犯是証朦混不分原差藉票行拘逐戶沿門惟其取索差錢酒飯不餐不休此雖由黠徒狡棍憑空飛噬要亦地方官

不悉民情不察利弊坐聽奸徒愚使之所致也抑  
知州縣父母斯民當念念推求民隱拔冤超枉原  
不徒在兩造對簿時也所當立法防維庶幾克安  
良善仰府即便通飭嗣後凡民間告爭一切戶婚  
田產細事犯証不得過五人其實係事連多人者  
酌其情理量行集審苟非緊要犯証拘其父不必  
復拘其子拘其兄不必復拘其弟拘其夫男不得  
復拘婦女至于命盜光棍賭博重件牽控多人該  
州縣于收呈時即當堂訊取原告供情度其詞之  
情偽罪之輕重除緊要犯証開明票內差拘外其

餘察係牽砌即另看保練族長喚齊候質命案即于屍場取供省釋雜案限日到案訊明即釋槧不許專差濫行拘擾其原告審係有心牽証者正案審定即另詳律擬解究槧不得姑息長奸州縣與民最親疔瘡本屬相關但能于此等處留得一分心則百姓便享得一分福若但于告期委令丞尉收接數詞准後任聽書差僉發一票積時累月實之高東訟棍詐欺惡差嚇索畧不防閑等之不聞不見父母斯民之謂何清夜自思能無反側本公司蒞江九載深悉其由故不憚反覆諱告各州縣其

向經整飭者益加勤勉向未經理者痛自奮興則奸徒志沮良善獲全而地方日見起色矣仍限文到一月後各將現在如何奉行緣由逐一申覆以憑查考切切

諭屬

程伯子曰一命之士苟存心于愛物于人必有所濟而況太守牧令寄州郡之重膺民社之責乎然未有存心不寬而能用其愛察理不明而能行其寬者恭寬非弛法之謂和平忠厚不務刻急不矜瑣細此明非察察之謂不為將迎不為機變也今有司之治獄者慮上官之駁摘輒恃寧重毋輕之見故往往罪止此而務為刻入者既已移輕就重勢將旁羅曲引剔抉瑣細以自矜其摘發之能不至飾有增無不止也以此用法所謂文致也尚有

得其平者乎其倖免者皆所欲入而不得者也古  
人云求其生而不得則死之今之用法皆求其死  
而不得則生之者也而巧于自文者且曰薄俗流  
偽藉以示懲抑知藥以已病富貴之人恒無病而  
好藥故體不平而病生法以止姦刻覈之吏恒無  
狀而增法故情不平而姦作變方破律庸有濟乎  
彼固以縱弛為寬而不肅為又以苛察為明而必  
為之也然此猶以刻為明也又有以疑為明者不  
窮理以察情慮人之欺防人之蔽猜嫌刻峻之見  
生乃索瘢痕于風影既已疑所不當疑必且信所

不當信故聞人之善則疑聞人之惡則信甚或疑人善而恒恐其實信人惡而恒恐其虛或有為之辯說者則并疑之其設心居何等耶安望其能愛物濟人哉本司歷江五年責在刑名任為廉察尤不可不寬以明也恒以自惕故願與良有司共勉之

又

古之言曰天下本無事庸人自擾之天下皆事也烏得無事行其所無事則無事矣父子兄弟人之大倫聖人為之禮以行之男女衣食人之大欲聖

人為之度以節之夫事莫大乎教養聖人亦唯是  
宣其情而止其欲因應利導如其性之自然而已  
假使盡人而提命之驅之孝驅之弟且告之曰吾  
何以謀爾衣食計爾室家俾人人盡通其意微持  
勢有不能法未立而事已紛民且不覺其寬安而  
以為苦何則擾之也夫以大倫大欲之所存猶不  
可以强致况他務耶故曰民可使由之不可使知  
之也我

國家

聖聖相承宵旰求治禮樂刑政燦然大備有司者慎以

守之酌其宜而善用之持之以恒而潛移默化之  
斯足矣若復恃其聰明煩文急法峻為之防曲為  
之制而強抑之束縛之笞撻之驅使迫感期效于  
旦夕既而煩擾絳亂卒格不行亦遂自沮而民益  
以不信亦奚為哉夫民猶水也水無不清濁則澄  
之澄者行所無事也未聞欲其清而攬之者也然  
又非猥庸闢廢無所事爭也古之論為政者曰不  
煩曰要曰明易曰決曰掉所謂不煩者不多于此  
事之外也要者約而精之于此事之中也直如是  
而已矣故易無所留滯故決識大體急當務故曰

擇而又本之以平恕行之以安靜持之以久然後政興而民洽今有司之委靡惰惰者無論已庸人不安于庸思以相勝詭異偏詖而煩苛紛躁之滋生其失均也此所謂自擾之也夫政令非嚴切之難寓寬和于嚴切之為難非詳備之難寓簡易于詳備之為難使民見為寬而不知其嚴見為簡而不知其煩所謂行所無事也期與諸公共勉之

西江視臬紀事續補

定遠凌燦約銘

文檄

通札各府飭勤案件并造報自理

照得州縣為親民之官首在政平訟理其要不外公勤兩字恭勤則無不理之事公則無冤抑之民民之好勇鬪狠釀成人命其初不過鼠牙雀角戶婚田土細事控之於官官果即准即審隨斷隨結應踏勘者即行踩看應查丈者即為查丈遵照例限秉公完結則曲直既分訟冤即解爭角無由又

何致釀成人命前因江省州縣中之怠忽自恣者率以不准民詞為之息事更或混批佐雜鄉保今日一批明日一覆經年累月不審不結書差之魚肉無休証佐之拖累無了窮民廢時失業傾蕩家資而不能求官一審以斷訟根刀滑者則膚憇其詞赴上控告上司限于定例未經縣斷府控不輕准理間有准理一二而地方官不能自責反惡其上控索瘢求疵以直為曲惑亂聽聞於是強梁者積不能平則恃蠻行兇軟弱者計無所復則以命抵賴凡此種種皆由不勤不公之故也雖定例自

理案件立法稽查按月造報

院司而闡革之員每視為具文是以本司遵奉  
院飭更定造報之法事甚簡易所以稽州縣之勤  
情查刁告之奸民乃各屬中仍多寢如充耳半年  
以來仍有杳不造報者現奉院檄飭提經承此  
更不勤之明驗也夫州縣父母斯民而不以民事  
為事定倒則視等弁髦上行則邈同故套任其玩  
憇畧不經心地方諸事安復望其整頓

計典在邇安能為若革稍寬合亟札飭札到希即通飭  
各屬務期速整精神一洗惰習嗣後凡有民間詞

訟到官可以立辦者即令兩造同証佐於五日內  
當堂稟到立刻秉公為之剖斷果有應質要証未  
審亦必限以日期依期審決不得改期致令守候  
所准事件該州縣另立一簿置于案頭每日查看  
審結之案即于簿內註明某日審斷按月計算共  
計若干其未結者亦註明因何未結緣由月底即  
令經承登冊通報續准之案按照准理日月依次  
入冊查辦則案牘無稽積之患百姓無拖累之苦  
角鬪可以潛弭命案可以日減矣苟或仍狃積習  
不加振刷甘自暴棄不惟告案之年月可稽而百

姓之口又豈能掩溺職之謹終有所歸該府表率  
一郡查察易周嗣後州縣有不將自理事件速結  
按月申報者即一面就近提承重處一面具文通  
報以免上檄查提更為有益若徒以奉行之件轉  
行一文遂為了事則甚非本司所望于賢太守相  
助為理之意也札到先將遵行緣由具覆切切

通札各府遵改本年本月某邑某令字樣并  
兇犯訊明父母兄弟及冊首用印

頃奉 院憲面諭從前各府縣一切文稟率多混  
稱本年本月某邑某令字樣難于稽覈久經通飭

而各府縣仍多不遵又詳冊隔頁用印鈐于上首  
兇犯到案即訊明有無父母兄弟並各年歲而各  
縣仍多踈忽再開忙在即各屬批發自理詞訟均  
宜急早清結以免稽累庭鞫時尤宜懲勸並行反  
覆開諭俾動其天良知所感化特令再行專札通  
飭等因查年月地方銜名申上體制原應實書且  
便稽考既奉院行宜更檢點乃近日所屬報文  
不但多不恪遵更有混書上春去蜡字樣者豈真  
有心違抗凡皆經督習以嬾慢本官未盡經心也  
至詳冊鈐印上首既便省覽而兇犯預問父母年

歲尤所以杜捏孤之漸本司屢任後已不啻三令五申今復奉院諄諭而各屬仍多疎忽且有已問明並無兄弟而竟不訊其父母年歲者必欲留此空隙以為將來刑書舞弊之端此又哭元太甚者矣再州縣得民首在政平訟理一詞未結原被証佐卒速凡幾即使州縣恪守廉隅而有准無斷今日催呈明日辨訴案牘愈繁蔓連愈甚人犯之施累書差之婪索更不可問矣究之官控不已馴至私爭鬭毆成命率多由此父母斯民當如是乎本司敬承院諭不憚苦口再此通札希即迅行

各屬慎加留意凡年月地方銜名務遵實書至冊首用印雖云小節要足覘其辦事之疎密若犯問明父母年歲以及上批自理事件毫無稽積又能勸諭感發此更政治所關益宜振刷務期闡慢者克自奮興勤勉者益加惕勵以無負院憲諄諄誨諭之意仍飭所屬將奉到日期遵行緣由具稟徑覆備考

條教

禁革鋪墊供應

為飭諭事照得本署司家世業儒性安澹泊今恭  
膺

簡命廉問洪都惟有益矢清白守茲素撫蒞任方始向  
例一切鋪陳業已切諭有司盡令省免即需用竹  
木桌椅以及一切器具什物俱皆發給現價自行  
買備總不取用行舖一草一木誠恐地方胥役藉  
口陋規仍有指稱鋪墊供應名色科歛派累亦未  
可定合亟示諭一切行舖人等知悉如有不法書

吏指稱本署司到任派歛鋪墊供應恣行科累者  
立即赴轅具稟以憑查究慎毋瞻顧自甘貽累各  
宜凜遵

禁賭博私宰打降少乞示

為設禁以清盜源以戢兇暴事照得賭博為竊盜  
之源私宰寶賊牛之穀打降釀人命之基而少年  
強乞則又兼三者而有之本署司秉臬西江留心  
訪察各屬賭風未戢地方無賴開場誘賭大而闢  
牌擲骰小而押寶跌錢所在多有無分晝夜勾誘  
窩聚壞人心術傾人家產馴使流為匪竊天下容

有賊而不賭未有賭而不賊是賭風一日不息盜  
風一日不止故風俗人心之害尤以賭博為最至  
竊牛本不同細軟賊跡易露耳目易彰自有圈牢  
之家一則利于速售一則利于賤買片刻成交逾  
時滅迹遂致盜風日熾是私宰之禁不嚴農民之  
累無底又訪有一等闔閭棍游手好閒不務生業而  
負性強梁日惟酗酒尋釁生非睚眦之忿輒攘臂  
相從逞兇打架因而釀成人命家破身亡更有一  
班少壯之徒既非老懦又非殘疾結黨成羣到處  
強乞稍一呵叱圖賴無窮甚至乘機掏摸黑夜穿

齎遇有孤村獨戶逞其桀驁之氣橫行無忌種種  
惡風實堪髮指從來稂莠不芟嘉禾不植此等棍  
徒實民之蠹若不痛絕何以乂安良善除現在密  
訪擊究外合先設立條規開列于後

一 凡開場誘賭無論鬪牌擲骰押寶跌錢地方保甲  
人等實心查察密稟地方官嚴拿究治酌量案情  
優加獎賞如保甲人等徇隱不行查稟別經發覺  
保甲人等訊係知情容庇即照故縱例一體科罪  
一 凡無論城鄉市鎮私開圈店宰殺耕牛者許地方  
保甲人等查獲據密稟地方官嚴拿該州縣一

面通詳依律治罪外仍查明該縣一年所報被失  
未獲耕牛若干盡數責令宰戶照數估價追賠償  
還事主如有地方衿棍及刑書捕役聞風把持該  
州縣徇縱不行嚴拿通詳一經訪聞或被受害人  
告發官以濫職揭參衿棍衙役立拏分別櫛究保  
甲徇隱一體治罪

一凡打降拳棍即不傷人亦查明如係異籍立即遞  
回如係本籍抑交族保管束如有逞兇滋事即照  
兇徒生事例科罪其愚民口角忿爭彼此互鬭者  
地方官驗明除保辜外先動手致傷一處者罰銀

五錢計傷遞加追給被打之人仍俟傷痊照律發落

一凡城鄉地方遇有少壯乞丐恣肆強乞或三五成  
群串結往來保甲地方人等立即扭稟地方官嚴  
行究處驅逐如保地不查地方官據報不拏遇有  
丐徒滋事發覺定即分別究治

以上各條每保置一高牌將示實貼監立門首逐  
日輪流傳遍曉諭實力遵行務宜週而復始倘有  
隱匿沉擋並拿究處

禁渡夫勒索

為嚴禁渡夫勒索以便商民事照得河道渡口既無橋梁即需舟楫庶來往可通民無病涉則渡船之設本以便民然以便民之事而作病民之具未有如渡子之甚者也本公司訪查章德二渡路通京廣行商絡繹該處渡夫輒為利數凡商民擺渡任意勒索每人需錢十文或十餘文遇有小車等項索錢三四十文倘不飽慾即將船開至中流停留不渡商民既已登舟不得不任其需勒若不核定章程苛索將無所底查各渡過往行人日約數千渡船輪流擺送日約十次每次約載七八人至十

餘人今本公司遭中酌定嗣後過渡每人給錢二文  
春夏水漲給錢三文小車一輛箋作二人在渡夫  
足資家口而商民亦免欺詐永為定額除每船設  
一木板刊刻給錢數目并渡夫姓名寔釘船艙  
內張示仍委南浦驛驛丞并新建縣典史逐日巡  
查外合行示諭各渡夫及經過商民人等一體知  
悉嗣後各遵本公司酌定之數分別給與倘該渡夫  
仍敢留難多索及將刊刻錢數渡夫姓名木板藏  
匿不釘者即赴該委管官喊稟拏解赴轄以憑重

究

禁車行勒索示

為嚴禁車行勒索安商旅以恤窮夫事照得水陸  
要道開設車行原以便商民之來往察夫役之奸  
良行家每兩例取用銀三分俾之登記簿籍以防  
行李踈虞實為行客交便並非專為地棍開財利  
之端也今本署司訪聞離省三十里之謝埠地方  
為撫建通衢客商至省舟楫不通行李貨物必須  
催車運載先因該地之李姓倚恃人衆私充強霸  
勒索刁難曾經前司訪拿責懲并發示嚴禁不許  
土棍壟斷把持商民俱投托車行雇載往來稱便

詎日久弊生近訪該埠車行每遇商民催車輒令車夫四散彼則捏稱車少貨多高檻車價又高商自覓回車彼復于中阻撓不許攬載行客惟恐羈程不得不吞聲忍受任其飽橐復又越例抽用每錢一百文自十文至二三十文不等客商之苦積錙銖車夫之辛勤血汗徒為此輩把持安享病客病夫殊為民害合即出示刻榜嚴禁嗣後如遇商旅催車進省者無論本地及別處車夫酌定每車一輛給時錢一百二十文至回車攬載任客自便車行土棍並不得藉端阻撓仍每錢一百給該

行錢三文令其登記客夫姓名便於稽查永為定額倘該行仍敢壘斷指使車夫刁難揜勒以及阻撓回車攬載并多索牙用許爾客民赴轅指名具稟以憑嚴拿盡法究處本署司言出法隨斷不留此等奸徒以害商民也特示

禁開設牛廠販宰

為嚴禁牛廠販宰之弊以裕耕作以重農務事照得民間水耕火耨全資牛力牛多價賤則農民易于購致若販逐肆行牛少價昂貧民無力措買既不能徒手以耕必致坐荒農業俯仰何資本署司

下車之始以耕牛最切民生私宰最滋民害業已  
飭禁在案近訪南昌之池港三江口瑞州之上高  
東門新昌之棠浦花橋臨江府屬之清江洋湖水  
市樟樹鎮新淦之桑村新喻之東門姚墟熊家山  
袁州之分宜兩集撫州之臨川上頓渡等處每至  
四五月間牛牙俱各設廠凡附近之有牛欲售者  
以及自外販至者一時搜集遂有福建湖南小販  
及本省各處漁利之徒爭相採買名曰赶新其實  
半歸刀鎗而穿窬之輩輒乘閒廠價昂恣肆偷竊  
牛牙竝不查其來踪槩為市賣甚或通同勾串利

其朋分牛價之昂賊風之盛皆牛廠逐販之所致也茲屆東作方興正資牛力合亟設法示禁除將各處牛廠通飭毀拆外嗣後凡有民間販賣牛隻俱令趕赴墟集憑牙買給農民該縣設立印簿二本發給牛牙登記一月一次更換稽查簿內註明買賣之人姓名住址牛之來歷毛色口齒以便稽查倘有來歷不明形迹可疑者即行稟查其牛廠赶新名色槩行禁革如有福建湖廣及本省射利小販槩不許換買并不許歇店容留自示之後倘敢故抗不遵或扶同隱蔽一經察出先拿牛牙重

責枷示小販歇店一體懲究決不姑寬毋違特示

禁腳夫勒索

為嚴禁腳夫勒索以便商旅事照得客商賴腳夫以挑運腳夫藉挑運以餬口彼此相須腳價自當公平盡一豈容恣意苛索今訪得省城灣船之所有等無藉強夫凡有客船甫經到岸即蜂擁爭先登舟搶攘混將行李搬置岸上星分零搭既不容減其腳價又不容任其別喚致令孤客照顧不遑不得不隱忍多費及至起肩又復就輕避重另起爭端勒索無已甚有挑至稠人廣衆之中客行稍

後竟將行李挑匿種種刁詐深為民害除行地方  
官飭禁外合即定額示禁仰商民脚夫及該地保  
甲人等知悉嗣後會城河干挽船口岸除客商有  
貨投行者俱令行家檢點發夫河夫不得換挑其  
挑送商民行李每口岸原有夫頭即令夫頭立簿  
登記某客行李若干交送某處催夫某人倘有踈  
失惟夫頭是問每担行李在一里以內者給時錢  
十文一里以外者每里遞加三文夫頭無論遠近  
仍每担客給夫頭錢一文俾令登記簿籍查核如  
客人情願自挑或另僱熟人挑送者聽其自便不

得指踞強挑倘敢故違仍前多索強跋以致踈虞  
許爾客民立即扭稟該地方官竝拿夫頭一并究  
處該地保甲仍不時巡查稟報毋得扶同徇隱致  
干察究

禁迎神賽鐸聚斂

為申嚴迎神賽鐸聚斂之禁以除惡習以肅  
功令事照得春祈秋報不廢明禋社令里神亦多迎  
祀然希景福而邀神庇湏存誠敬之心陳儀衛而  
肅威嚴自有當循之制乃江右地近鬼方俗矜滛  
祀各鄉村鎮各奉一神每遇迎祭之期爭相角奪

以人多為勝以先祀為強各出銅鑼聲鳴山谷施放鎗銃响震雲霄更有鄉愚許齧鑼愿設立鐸會角勝爭雄視為兒戲甚至逞兇鬪毆命案隨之不知迎神賽會有禁擊鼓鳴鑼有禁施放鳥鎗有禁聚衆張打旗幟執事有禁一有干犯按照違制來邪教惑眾等律分別首從餘人絞流杖徒枷責治罪定例何等森嚴而江省竟成網習現有廣信府上饒縣民江配乾等聚衆迎神鳴鑼放鎗致傷民人管登科已經擬抵施累多人淹禁三載迎神求福乃至蕩產傾家性命不保是皆不守禮法喪瀆

神明之所以致即舉一案可為惡俗之戒除嚴行通  
飭外合亟示禁嗣後如有里社土穀應祀之神止  
許祭獻毋許迎賽以及聚衆鳴鑼施鎗放銃其鑼  
恩鑼會一體嚴禁如敢仍循惡習故抗不遵定即  
嚴拿按律究擬鑼追入官地方官不行查拏即以  
失察叅揭該地保甲人等不行首報照容隱匿報  
例懲治各宜凜遵毋貽後悔

禁刀告

為曉諭事照得江右地方民風囂訟本署司久已  
稔知昨值開期收詞批閱類多以小架大將無詐

有業經擇其情詞之尤刁詐者當堂責逐有應准  
之案立即分別批查其事屬細故架題越瀆或事  
經久結捏舊翻新以及砌捏謊詞希圖聳聽者亦  
槩從寬批飭且隨收隨發不令爾等有守候之苦  
亦本司息事寧民之意也但恐愚民迷不自悟惑  
訟棍如簧之口恣誣告反坐之條前詞未准故智  
復萌仍捏虛情候期再告希圖倖准亦未可定不  
知情有可信不在疊呈理所必無何須多瀆彼訟  
棍唆詞寧復顧人生死不准則滋守候之累准則  
貽反誣之憂清夜自思亦復何益深恐愚民圖識

合再諄切示知凡有投遞呈詞業經本公司批過不准者立速回家各安本業不得潛住省城再圖刁告倘敢不遵任意擾瀆定即根究訟師並拿代書一并懲究決不姑寬各宜凜遵

禁臨春起佃及強佃霸耕

為禁諭事照得田主置業賴租完賦佃人力耕藉穀眷家本屬相須亦為相濟則主佃之間自宜彼此體量庶佃不易人而租無夙逋今查江省佃戶卒多通租之習田主不甘起田另佃本屬人情但方當東作遽而易耕窮佃別貸無田憚于失業豈

甘起退爭耕不已馴至交訟在佃戶則以臨春奪  
佃為詞在田主則以強佃霸耕具控紛紛告訐甚  
至舊佃新佃彼此佔爭互毆釀命比比而是不知  
主佃相依業主當知佃戶之辛勤無非日食是賴  
一朝失業安俾資生佃戶當知田主之置業公私  
皆所取資租業兩空誰能隱忍稍知自反則又何  
至參差而愚民罔識動釁事端合行通示曉諭嗣  
後業主或因佃戶逋租不清或因別有事故不合  
欲行另佃者務俟常年農工既畢方許另行召佃  
槩不得臨春起佃新佃之戶亦不得妄肆爭耕至

舊佃收取籽粒後仍敢恃強霸種不服另佃許印  
主鳴官究治以警刁頑則貧民不致臨春失業而  
佃戶亦無所逞其刁悍矣本署司寶為田主保業  
佃戶保耕起見故不憚諱切勸示各宜凜遵毋違  
禁代書包勒

為嚴禁代書包充勒索以通民隱以除積害事照  
得各衙門設立款式并代書圖記原以杜刁民之  
妄控乃法久弊生一紙款式賣錢至數十文而代  
書用記又捐錢數百文至百文不等皆緣一班出  
入衙門之積棍承充項補遇有鄉民情事迫切即

恣行勒索苟不遂懲即暗囑把守柵欄人役混行  
攔阻小民畏威阻勢又惮于守候不得不任其指  
勒前經本署司訪聞屢經飭禁詎尚有懲不畏死  
之訟棍萬象賢包充各衙門之代書襲廷詔一踞  
官卷唆訟一住新卷包充除先後訪拿究處并將  
狀式圖記酌定錢文通詳飭遵外合再示禁嗣後  
各衙門代書慎選端慤之人頂補民間控告呈詞  
該代書毋許指勒并不得暗囑把守柵欄人役混  
行攔阻致使小民守候除許告事件遵用狀式圖  
記外其餘止係呈明辯訴非開告許均不必稟用

狀式圖記爾現充各代書速自洗滌肺腸勉遵法紀訟棍人等尤當速自焚棄刀筆以保身命倘仍懲糱不醒一經訪拿噬臍無及

禁強丐流乞

為申嚴強丐流乞之禁以崇本業以靖盜匪事照得老疾孤貧

國家設有養濟之典月給口糧本以矜其贊獨無告其餘果因老疾未收入院以致沿門哀乞情屬堪矜原無禁例惟少年強健之徒精力正壯但能自務辛勤傭工力作何所不可乃游手自恣甘為匪

丐而又不肯苦口善求桀驁性成動肆無賴甚至串結惡徒三五成群殘賊體膚手擣死蛇厭穢之物喧擠各鋪索詐錢物稍加呵叱即佯死潑賴不饜不去其流不至於為盜為竊勢必不止夫

國家保惠群黎誰非赤子而獨有此種匪徒實為良民之蠹賊若不實力驅除何以克崇本業為此示仰按屬軍民地保人等知悉嗣後凡有前項少年強丐三五成群手執污穢之物或在店舖或在街市强行求乞者許鄉地保甲人等立即稟明地方官嚴拿查究如係本籍民人即責令族保管束令

其改務本業傭工食力以資餬口如係異籍即押  
發原籍交令族保約束不得容留猶隱凡此丐匪  
亦宜痛自猛省人生天地要自有本等衣食既當  
少壯正可力營安有求乞可以終身誰無羞耻而  
自甘匪下迨至流為盜賊官刑被體身命不保是  
誰之咎思之慎之

禁礮頭安網

為嚴禁礮頭設網以便行舟事照得江湖險道莫  
甚于山嘴礮頭船隻遇礮逆水上行則緣邊遂湍  
負纜徐升漸岸懸崖安危呼吸若順流而下則隨

灣逐溜駕駛直注騰波迅急一瀉莫留如湖口縣之老鴉磯屏峯磯黃茅潭香爐墩上鍾岩下鍾岩等處兩山夾峙岸石巉岩江漢合流湍洄浪急尤為險磧乃有一等地棍利其急溜輒于各處磯頭高搭木架安設罾網以漁為利致碍行舟偶或撞觸輒聚多人攔勾捐詐船戶以此為患不得不紓回以避擰攜少失每致觸石下溜覆溺隨之利已損人莫此為甚合亟示禁為此示仰該縣各磯頭地保及捕魚人等知悉嗣後沿江一帶磯頭概不許架罾設網阻礙行舟倘敢抗違不遵仍前搭架

及藉端勒索客船者許地方保甲及被害之人據  
實稟縣嚴拿按法究處該地保甲徇隱故縱察出  
一并拏究決不寬貸各宜凜遵

禁宰剥龍豬

為飭禁事照得龍南係贛屬偏邑地瘠民貧原無  
物產自順治年間有作俑之縣令倡為龍豬一時  
珍異上以是取下以是供宰割傷生歲以萬計康熙  
四十一年據士民蕭之後等具呈

前撫憲張

勒石永禁迨日久禁弛踵行猶是近則較倍從前  
宰剥乳猪歲不下二萬龍邑所產不敷復買自外

縣訪聞安遠近亦效尤于是雖非龍產亦名之為  
龍猪矣夫殺孩札天王政所禁傷物之不得遂其  
長也小民逐利資家何業不可而顧為惨酷戕害  
物命動以數萬計既失仁心定乘和氣合示嚴禁  
仰龍南等邑軍民人等知悉自後務各自勤本業  
以資糊口慎勿日事揃刀枉戕多命龍猪每口賣  
銀不過三四錢除本計利所得幾何曷若豢養使  
長為利不益厚耶自示之後如有仍肆宰剥者許  
保甲人等首報即行嚴拿枷責究擬所起龍猪給  
首人充賞保鄰知而不舉以徇縱治罪各宜凜遵

毋違特示

禁私鑄剪邊及換和砂錢販買錢心

為再行曉諭以醒愚頑事照得私鑄剪邊以及換  
使砂錢販買錢心等項一切姦利之犯重則斬絞  
輕則軍流立法非不綦嚴本署司下車以來屢經  
飭禁告誡非不殷至在經營求息者本為身家又  
何苦捐其身家以營衣食省會五方雜處奸良不  
一從前則有違禁私鑄之賈將鐵熊開臣近則有  
販買砂錢換和行使之熊公調周朝寬尚子成等  
俱經按律科懲乃復有剪取錢邊之向庚生張國

祥等亦現在飭縣究擬業將各犯罪名分晰臚列  
出示曉諭無非冀爾等愚民觸目警心各務正業  
共享

昇平乃不怠猶有懲不畏法之奸徒徐旭生王景允宋  
思文熊應安熊文真吳應高徐榮胡魯上等仍敢  
剪燬制錢恣為姦利又經本司密訪差拿現發南  
昌究擬可見本公司苦口告誡愚民仍漠不經心冥  
頑不化殆未有若此之甚者也在爾等愚民以為  
私鑄剪邊販買換和費本無幾獲利甚易不知一  
朝敗露蕩產傾家則又孰得孰失孰利孰害迨至

事後悔悟已屬身家兩失何如及今猛省痛自悛改本司深維不教而誅之戒不憚再三苦口再行切示凡有私鑄剪邊以及鋪戶錢桌換和砂錢販買錢心者各宜滌慮洗心改除舊習本分貿易儘足資生何苦妄希僥倖自罹法網此示之後再有干犯則是頑梗性成不可復以理導本司惟有盡法嚴處以申

國典不能為若革少寬一綫也保甲人等稽查不力或受賄容隱察出一體治罪各宜凜遵

禁棍徒招搖撞騙

為申嚴招搖撞騙之禁以肅法紀事照得本署司  
獄門職掌風憲凡以剔除奸弊振肅法紀為至嚴  
至密之地本公司又素守硜硜矢茲清白蒞官載餘  
凡判理一切事件悉秉至公期無枉縱至於自理  
詞件或調閱卷宗或批發查審俱係親行批閱獨  
出已裁即據府縣查詳亦必細心察核別其情偽  
妄以是非從不徇情紳官亦不假手經胥如有誣  
捏懲治必嚴抱此區區諒爾士民亦所深悉乃近  
訪竟有無藉訟棍及紳宦家人捏稱交舊報肆招  
撈愚民不知被其簧惑前經本公司訪有王榮卿包

訟逞騙業已查拏嚴行枷責遞回原籍今又訪有  
彭宦家人誑騙上饒縣民許士林一事一則行求  
一則指騙又經本公司察知查拏究處可見刁徒指  
撞愚民被惑風猶不戢合再示諭仰按屬軍民人  
等知悉嗣後各循本分各顧身家凡呈告一切詞  
狀理直者不慮不伸若其虛誑雖有請託徒益罪  
愆慎勿自墮牢籠聽人撞騙如有指稱故舊請託  
名色愚美煽惑受其誑詐者不拘何人均許稟首  
以憑嚴拿盡法究處倘或知情容隱一經訪出定  
拏保歇一并治罪決不姑寬慎勿以身試法自貽

伊戚特示

觀風示

為觀風事照得言乃心聲士為民表禮敦儒行為範俗之先資易示人文見化成之實效際聖化覃敷之候正文明日盛之時帶水負山爭榮棫樸涵輝擠翠競秀菁莪惟一道以同風迺家絃而戶誦况江右為人材之藪豫章實文獻之邦匡廬之秀色可餐才峰特挺蠡水之崇濤如捲學海同深蘊圃徐亭潮流風于高士鶩湖鹿洞宗舊軌於名賢梅巖尚有歲書墨沼還留遺蹟毫端風雨文首

歐曾腕下蛟龍才推劉孔泗山定宇既異曲而同工玉茗金精亦後先而競爽洎夫陳羅迭起章艾嗣興莫不思有神通性與道會耀珠光于錦水洵皆結綠之珍蠶劍氣于豐城允擅干將之譽者也本署司世傳竹管代蓄芸編雖桂圃乍開榜花偶獲而春官累上賦草難工第見獵而猶欣尚耽書以成癖職司弼教問俗維勤政貴敷文採風斯亟遘茲吉日爰事分題鎖院春深翻行間之芍藥高簷日麗爛宇裏之葡萄或義興思沈探月窟天心之秘或神行機動展風檣陣馬之奇或闡四子之

幽微發揚名理或漱六經之芳潤採掇精華要使  
雅正清真咸式遵夫典則自見昌明博大乃不墮  
于時蹊各抒一日之長用展生平之蘊不寧惟是  
猶有與焉方當制科設目之餘復有博學宏詞之  
選梁園咏雪楚國歌風賦可成聲試敲金而戛玉  
詩無限體其扢雅以揚風思風發而言泉湧濟江  
陸海極汪洋恣肆之觀筆花燦而舌本青朱蓋班  
香盡釀郁沉酣之致吟落霞孤鶩何湏定讓王郎  
對南浦西山焉知不空作者秋風轉盼便為市駿  
之期青冥匪遙預卜飛鵬之兆十年膏晷幸載筆

而景從一日丹黃將虛中以衡鑒

較課武士示

爲較課武士以崇禮射事照得澤宮與祭先王重  
命中之能瞿圖來賓至聖博游心之趣仁義以為  
于櫓文武何分韜鈴亦列經書膠庠並重故輕裘  
緩帶艷稱叔子風流而羽扇綸巾雅慕武侯瀟灑  
江右夙稱文獻筆走臨川豫章亦毓材官劍騰玉  
匣集鴉大樹甘興霸稟稟如生噍羽鴻門樊舞陽  
熊熊無比城有灌嬰之號亭留閱武之名劉大將  
鐵馬金戈風高塞上鄧元帥朱旗畫戟氣憚蕭闕

相盡虎頭堪作長城萬里技皆猿臂何須組練三千在前人既樹奇勲豈後進漫無異策况夫

國朝造士實同俊乂之班司馬論官更重于城之選序賓序賢之意自古為昭比禮比樂之風於今猶盛本署司雖叨鴉薦亦慕鷹揚陰符始自太公詎云非聖戰法肇於涿鹿業已通神潛九淵入九地正正奇奇何以風雲變色擺五壘布五花離離合合胡為蛇鳥移形凡茲龍韬豹畧之所垂抑惟太乙河魁之當究爾多士揣摩有素運用無方發必循聲定合采蘋之節舍還破的寧慙穿葉之神百

萬蟠胸願窺廟筭七擒服數試鬪神機文陣亦曰  
雄帥武衛寧無翰墨勿謂騰蛟起鳳耑推學士詞  
宗湏知紫電青霜當讓將軍武庫爰分題而角藝  
預覘磨楯之能即坐言以起行因卜據鞍之志山  
名旂鼓傳采筆底雄聲嶺號刀鎗助彼行間壯氣  
雖勲名麟閣尚有待於他年而方畧金城應預優  
于此日庶其扶鋒而至行且刮目以觀

禁攔輿混呈

為曉諭事照得時際歲暮例應停訟久經通行示  
知原以届迫歲除素豐者固安享終年即食乏者

亦應營謀卒歲豈宜匍匐公庭廢時失業乃本署  
司每逢公出攔輿遞呈者輒數十人繞街哀懨再  
四求收及至收閱率係田產細故駁角微嫌或經  
官斷而違斷瀆呈或經批結而翻新刁告不思既  
無大冤大枉一切細事即使所告不虛當茲歲暮  
亦例不准行況其為無稽之詞耶凡爾百姓誰無  
卒歲之謀果屬良民必不於此時訐訟其有挾詞  
攔謫者必係訟棍刁徒本署司豈肯姑容以滋民  
害除已遞各調查無冤累槩不批發外合再示飭  
為此示仰軍民人等知悉各即寧家安業共慶豐

年如果有命盜貪賊枉法光棍匪類私鑄賭博等項重情控赴地方官不究仍許抱牌控告外其餘戶婚田土墳山錢債口角一切細事不許攔輿混遙如有故違不遵定即嚴拿懲處押發回籍決不寬恕各宜慎之特示

禁高擡鹽價及換樵沙土

照得官商運鹽行銷鋪戶零星販賣計本籌息原有一定之經商販人等自應循照原定價值公平貨賣豈容任意高昂今訪得江省鹽觴每逢民間醃菜之時需鹽甚多各商輒將鹽船隨路稽延藉

稱領運未到無鹽售賣遂即高擡價值倍於常時  
甚至將鹽運售他處百計轉展以遂昂價之私又  
有一種不法鋪戶惟利是圖將石膏爐灰沙泥等  
物換樵和賣似此層層剥削民何堪此除委員沿  
江催償凡有停泊鹽船速催運濟并將換和沙土  
之小販密訪拿究外合亟示禁為此示仰商販人  
等知悉嗣後售買鹽觔務須遵照鹽道詳定價值  
原租淨鹽不得停滯高擡一應小販鋪戶亦不得  
換和沙泥網利病民如敢故違一經查發定即嚴  
拿究治決不姑貸各宜凜遵特示

查禁匪船

為嚴禁匪船攬載以衛民商事照得江右襟江帶湖各處口岸設立船行催寫船隻原以稽奸匪而衛商民今訪得南昌王家渡星子縣青山口二處有種鴨嘴船隻攬載客貨不由行家客商利其水腳輕減每墮局中致使隨路欺凌肆行竊取現訪有布容及紅花客人一時誤催以致貨物被偷迨竊取既足輒于船頭漏孔沉舟俾客商領救不及貨物漂流以掩其盜取之跡此等奸惡匪棍更較盜賊為甚除現在嚴拿外合行嚴禁為此示仰商

民行戶人等知悉嗣後裝載貨物僱寫船隻務須  
憑行攬寫開明行李貨物包客運送倘有失事一  
惟行家是問其鴨嘴船隻俱不得仍在口岸私行  
攬載如有不經行家私行誘攬許客商行舖即投  
明所在塘汎地保拏稟地方官按法從重究治均  
毋輕縱客商亦不得貪賤輕催自貽後悔各宜凜  
遵毋違特示

禁奸牙侵吞客本

為嚴禁奸牙侵吞客本以恤商旅事照得客商負  
本經營涉歷風濤以圖微息全賴牙行信實買賣

公平俾客至如歸則遠近胥集況行家藉客資生尤貴招徠有道乃訪聞江省各處牙行每遇客貨運至河干並不由客自便率多甜言密語誘其投止及至貨物起入行內即視為已物侵肥扣減剥取不貲甚至勾通地棍東賒西放按簿則有名有姓求資則此卸彼推本利既歸烏有守候無復了期控之有司又視為錢債細務了不關心而姦牙猾僉早已賄串經差即准批查終歸捺擋幸而審理究亦有斷無追以致異客孤商進退維谷現在赴本公司衙門控告者不一而足深可痛恨除檄行

地方有司立限究追外合亟示禁仰按屬商旅牙  
行人等知悉嗣後客商貨物聽其自便投行並許  
攔誘發脫貨物務須三面公議公平估價議定價  
銀務湏照約清還毋得久羈客旅倘牙行抗玩不  
遵再敢仍前騙害許客商即赴地方官控追該地  
方官即行准理定限半月審結審明侵吞是實亦  
定限半月照欠追償仍將欺客行店立即追帖斥  
革不得任聽胥役捺擗致令孤客嗣同公廩守候  
月日是亦系遠通商之道各宜稟遵毋違

示拏游棍指名需擾

為再申遊棍指名需擾之禁以肅法紀事照得九  
江當南北之衝毗連皖水為入江要路舟輿紛沓  
奸良不一恐有不法奸徒指稱各衙門名色需夫  
索載屢經飭禁在案誠恐日久令弛况本署司原  
籍江左界實相連尤易指誑防微杜漸誠不可不  
預示稽嚴合再申禁如有往來遊棍指稱本公司親  
友家人名色需索夫船者立即拿解本公司以憑究  
處本公司家世業儒親知率皆循謹必無在外滋事  
之人該地方官無庸少存瞻顧倘有徇隱定即察  
揭斷不姑貸特示

飭水塘汎兵沿河稽察

為特飭稽查以安商旅事照得江右地方襟江帶湖川廣黔粵商賈經行帆檣如織所有沿河一帶塘汎巡查防範最宜嚴密庶宵小潛踪舟行無警今本署司訪聞沿河泊船處所時有鑽船匪竊肆害客商而市汊河泊所生米瑞河口及樟樹等處尤甚水塘汎兵日則高坐塘房歡呶飲酒夜則沉湎安睡並不巡查以致宵小益無忌惮眷奸縱害莫此為甚除現在移營查究外合亟出諭仰該水塘汎兵人等知悉嗣後日則沿河稽察夜則駕舟

巡哨務使宵小欵跡商旅安枕倘有仍前任意踈  
懈縱酒偷安一經訪聞立即移營草伍提解重究  
決不寬恕毋貽後悔

禁販硝磺

為再申私販硝磺之禁以肅法令事照得私販硫  
磺五十觔以下照違

制律五十觔以上照私鹽律分別杖徒和硝二觔準  
磺一觔論罪煌煌

定例何等森嚴江省屢經禁戢雖無大夥興販之人  
但訪聞各屬多有貿易民人輒在粵東楚南出產

硝礦處所私行挑販閥有微利無論城鄉市鎮居然售賣銀匠舖戶圖賤貪收公行無忌現在犯案彙累抑思挾貳營力以求餬口何事不可乃忘身徇利未獲蠅頭先干法律良由愚罔無知而地方官又不剴切曉示遂至蹈法恒多合行飭禁嗣後務宜凜遵

功令循分經營慎勿妄思非法之利自干違禁之愆地方官亦宜嚴加切示實心稽查如有前項不法之徒興販硝礦及貿易夾帶者立即嚴拿詳報以憑按律重究該地方官不實力查拿及地保隱匿

不報之例具在法所難寬各宜凜遵慎